



Fedje kommune

Møtebok for Formannskapet

Møtedato: 05.03.2019
Møtestad: Slissøyana/Skarvøyna i Fedje fleirbrukshall
Møtetid: 17:15 - 19:15

Møtedeltakarar	Parti
Gidske Borge Kolltveit	Ap
Bjørn Solbakk	Frp
Stian Herøy	H
Tonje Hernar Gullaksen	H
Roy-Asle Tungland	Krf

Følgjande møtte frå administrasjonen:
Dagrun Gunnarson, Nils Moldøen

Sakliste

Saknr	Tittel
014/19	Godkjenning av møteinnkalling og sakliste
015/19	Godkjenning av møtebok
016/19	Referatsaker
017/19	Delegerte saker
018/19	Delegerte saker teknikk og miljø
019/19	Delegerte saker personal
020/19	Oppfølging av "Sentrumsplanen" etter drøftinga i kommunestyret
021/19	Opera på Fedje 2019
022/19	Støtte til kjøp av RS 4 "Feie"
023/19	Delegeringar og vedtak knytt til gjennomføring av kommune- og fylkestingsval 2019
024/19	Ymse - formannskapet 05.03.19

Sakspapir

Sakshandsamar	Arkiv	ArkivsakID
Dagrun Gunnarson	FE-033	19/130

Saksnr	Utval	Type	Dato
014/19	Formannskapet	PS	05.03.2019

Godkjenning av møteinnkalling og sakliste

Saksutgreiing:

Forslag til vedtak:

Møteinnkalling og sakliste vert godkjent.

Formannskapet - 014/19

F - behandling:

F - vedtak:

Møteinnkalling og sakliste vert godkjent.

Samrøystes vedteke.

Sakspapir

Sakshandsamar	Arkiv	ArkivsakID
Dagrun Gunnarson	FE-033	19/130

Saksnr	Utval	Type	Dato
015/19	Formannskapet	PS	05.03.2019

Godkjenning av møtebok

Vedlegg:

Protokoll - Formannskapet - 22.01.2019

Saksutgreiing:

Forslag til vedtak:

Møtebok frå sist møte vert godkjent.

Formannskapet - 015/19

F - behandling:

Gidske Borge (Ap) etterlyste merknad i sak 010/19: Ordførar sa at han skulle kome attende til spørsmål i sak 010/19.

F - vedtak:

Møtebok frå sist møte vert godkjent med følgjande merknad:
Ordførar sa at han skulle kome attende til spørsmål i sak 010/19.

Samrøystes vedteke.

Sakspapir

Sakshandsamar	Arkiv	ArkivsakID
Dagrun Gunnarson	FE-033	19/130

Saksnr	Utval	Type	Dato
016/19	Formannskapet	PS	05.03.2019

Referatsaker

Underliggjande saker:

016/19.1. Vedlikeholdsansvar for statlige kaier - Kystverkets region Vest

016/19.2. Personvernerklæring

016/19.3. Tilsyn - oppfyllelse av vedtak og utsettelse av frist

016/19.4. Avslutning av tilsyn med samfunnstryggleiks- og beredskapsarbeidet i Fedje kommune 2018

Saksutgreiing:

Forslag til vedtak:

Referatsaker vert tekne til orientering.

Formannskapet - 016/19

F - behandling:

Felles tilleggsframlegg: Formannskapet ber om oversikt over kommunen sitt ansvar og rutiner knytt til vedlikehaldsansvaret på statlege kaier.

F - vedtak:

Referatsaker vert tekne til orientering med følgjande merknad:

Formannskapet ber om oversikt over kommunen sitt ansvar og rutiner knytt til vedlikehaldsansvaret på statlege kaier.

Samrøystes vedteke.

Sakspapir

Sakshandsamar	Arkiv	ArkivsakID
Dagrun Gunnarson	FE-033	19/130

Saksnr	Utval	Type	Dato
017/19	Formannskapet	PS	05.03.2019

Delegerte saker

Underliggjande saker:

002/19. Omgjering frå mellombels til fast tilsetjing

Gunn Fauskanger er fast tilsett i 56,32% stilling som assistent i Fedje kommune, f.t. Fedje skule frå 01.02.2019.

003/19. Tildeling av kommunal leigebustad,

Mia K Etokebe får leige Stormarkvegen 54 bustad 14B frå 01.05.2019

Standard leigekontrakt gjeld.

004/19. Tildeling av kommunal leigebustad,

Feilregistrering, saksnummer utgår.

005/19. Tildeling av kommunal bustad, Husøyna 52

Jessica Ramsdal får leige Husøyna 52, frå 01.03.2019

Standard leigekontrakt gjeld.

006/19. Skulerute 2019/2020

Barnehage-og skuleruta 2019/2020 er godkjent

Saksutgreiing:

Forslag til vedtak:

Delegerte saker vert tekne til orientering.

Formannskapet - 017/19

F - behandling:

F - vedtak:

Delegerte saker vert tekne til orientering.

Samrøystes vedteke.

Sakspapir

Sakshandsamar	Arkiv	ArkivsakID
Dagrun Gunnarson	FE-033	19/130

Saksnr	Utval	Type	Dato
018/19	Formannskapet	PS	05.03.2019

Delegerte saker teknikk og miljø

Underliggjande saker:

001/19. Løyve til deling av grunneigedom. Gnr. 169, bnr. 1

I medhald av delegeringsreglement for Fedje kommune, sist revidert i k-sak 021/13, plan- og bygningslova § 20-1 punkt m, § 21-4, § 26-1 og § 12 i jordlova, gjer teknisk sjef følgjande vedtak :

Einar Kahrs får løyve til å frådela to parsellar frå gnr. 169, bnr. 1 i samsvar med delingsplan datert 5/12-18. Frådelt areal er på 60 m2 og er tilleggsareal til gnr. 169, bnr. 51.

Då frådelt areal skal vera tilleggsareal til bnr. 169 bnr. 51, vil Fedje kommune krevja samanslåing av frådelt areal og bnr. 51, når frådelt parsell har fått same eigar som bnr. 51.

Lovheimel : § 21-4, 6. ledd, i plan- og bygningslova.

Einar Kahrs får i samsvar med § 21-3, 2. ledd i pbl fritak for kravet om å levera nabovarsel.

Løyvet gjeld i 3 år. Oppmålingsforretning må rekvirerast før løyvet går ut.

002/19. Løyve til deling av grunneigedom. Gnr. 168, bnr. 262.

I medhald av delegeringsreglement for Fedje kommune, sist revidert i k-sak 082/16, og plan- og bygningslova § 20-1 punkt m, § 21-4 og § 26-1 gjer teknisk sjef følgjande vedtak :

Fedje kommune får løyve til å frådela ein eigedom frå gnr.168, bnr. 262 i samsvar med delingsplan datert 15. januar 2019. Frådelt areal skal nyttast til tomt koplingsstasjon for høgspenst.

Fedje kommune får i samsvar med § 19-2 i pbl dispensasjon frå kommuneplanen til å frådela eigedom i LNF-område.

Fedje kommune får i samsvar med § 21-3, 2. ledd i pbl fritak for kravet om å levera nabovarsel.

Løyvet gjeld i 3 år. Oppmålingsforretning må rekvirerast før løyvet går ut.

003/19. Løyve til å bygga tilbygg på einebustad.

I medhald av delegeringsreglement for Fedje kommune, sist revidert i k-sak 082/16 og § 20-4 og § 21-4 i plan- og bygningslova, gjer teknisk sjef følgjande vedtak :

Kommunen har ingen merknader til søknaden motteken 24. januar 2019. Bygging av tilbygg på einebustad på gnr. 172, bnr. 175, kan ta til.

Tiltakshavar Jostein Ånneland får i samsvar med § 21-3, 2. ledd i pbl, fritak for kravet om å levera nabovarsel.

Vilkår for løyvet :

Jostein Ånneland må retta feil på fasadeteikning eller planteikning og levera reviderte teikningar til teknisk etat før bygging tek til.

Kommunen skal ha skriftleg melding når tiltaket er gjennomført. Lovheimel : § 21-10 i pbl

004/19. Løyve til deling av gnr.170, bnr.2.

I medhald av delegeringsreglement for Fedje kommune, sist revidert i k-sak 082/16, og plan- og bygningslova § 20-1 punkt m, § 21-4 og § 26-1 gjer teknisk sjef følgjande vedtak :

Nils Moldøen får løyve til å frådela ein eigedom frå gnr.170, bnr. 2 i samsvar med søknad datert 9. januar 2019. Frådelt areal er grunnen under eksisterande bustad og garasje under bygging.

Garasjen kjem nærare eigedomsgrensa enn 4,0 m. Fedje kommune gjev i samsvar med § 29-4, 3-ledd, punkt b i plan- og bygningslova, løyve til deling sjølv om eigedomsgrensa kjem nærare garasjen enn 4 m.

Nils Moldøen får i samsvar med § 21-3, 2. ledd i pbl fritak for kravet om å levera nabovarsel.

Løyvet gjeld i 3 år. Oppmålingsforretning må rekvirerast før løyvet går ut.

Løyvet har følgjande vilkår :

Gnr. 170, bnr. 2, må få vegrett over den nye eigedomen. Dette skal sikrast med tinglysing samstundes som eigedomen vert oppretta

Saksutgreiing:

Forslag til vedtak:

Delegerte saker vert tekne til orientering.

Formannskapet - 018/19

F - behandling:

F - vedtak:

Delegerte saker vert tekne til orientering.

Samrøystes vedteke.

Sakspapir

Sakshandsamar	Arkiv	ArkivsakID
Dagrun Gunnarson	FE-033	19/130

Saksnr	Utval	Type	Dato
019/19	Formannskapet	PS	05.03.2019

Delegerte saker personal

Underliggjande saker:

002/19. Varig omplassering

Torild Knappen Kahrs vert varig omplassert til 82% stilling som kokk/reinhaldar i Fedje kommune, med arbeidsstad f.t. Fedje pleie og omsorg frå 01.03.19.

003/19. Svar på søknad om permisjon

Monica Iren Nordby Storemark får permisjon utan lønn frå 01.04.2019 til og med 31.03.2020, i tråd med Personalplanen for Fedje kommune. Det vert understreka at permisjonen ikkje er til hinder for at du kan verte omplassert eller nedbemanna i samband med bemanningstilpassinga i barnehagen, sjølv om du er i permisjon.

004/19. Svar på søknad om permisjon utan lønn

Kristine Rossnes for permisjon utan lønn frå si 100% stilling i Fedje kommune frå og med 01.02.2019 t.o.m. 07.12.19, i tråd med Personalplan for Fedje kommune.

005/19. Svar på søknad om permisjon

Charlotte Lilleheil får ikkje permisjon utan lønn i perioden 01.07.19 tom 30.06.2020 i tråd med Personalplan for Fedje kommune.

Saksutgreiing:

Forslag til vedtak:

Delegerte saker vert tekne til orientering.

Formannskapet - 019/19

F - behandling:

F - vedtak:

Delegerte saker vert tekne til orientering.

Samrøystes vedteke.

Sakspapir

Sakshandsamar	Arkiv	ArkivsakID
Nils Moldøyen		19/46

Saksnr	Utval	Type	Dato
020/19	Formannskapet	PS	05.03.2019

Oppfølging av "Sentrumsplanen" etter drøftinga i kommunestyret

Saksutgreiing:

Bakgrunn

I møte 12.02.2019, sak 003/19, hadde kommunestyret ei brei drøfting av Vill Urbanisme sin rapport som vart lagt fram på folkemøte 2. oktober 2018. Rapporten legg vekt på å utvikla sentrum på Fedje til å verta den sjølvsgatte møteplassen på Fedje. Det inneber tilrettelegging og dialog med næringsdrivande og grunneigarar, men òg definering av verdigrunnlag med omsyn til berekraft, breidde i aktivitetane, samt arkitektur og fysisk utforming.

Kommunestyret gjorde følgjande vedtak:

«Kommunestyret føreset at det vidare arbeidet med Sentrumsplanen og innspel frå Vill Urbanisme vert handtert av formannskapet. Det vert lagt stor vekt på arbeidet gjennom god dialog med innbyggjarar, grunneigarar og næringsdrivande i området. Saka er viktig for alle i kommunen, og kommunestyret vil derfor tilrå at det vert arrangert nye folkemøte om saka når det fell naturleg i prosessen.»

Vurdering

Rapporten frå Vill Urbanisme utfordrar kommunen på fleire felt. Men aller mest utfordrar det kanskje innbyggjarane til å byggja opp eit mangfald av næringsbedrifter i sentrumsmiljøet vårt der kanskje ein og to personar har eit levebrød.

Slik rådmannen tolkar kommunestyret, ønskjer kommunen å halda på dei arkitektoniske og estetiske grepa ein finn i «mulighetsstudien». Dette gjeld både området rundt Steinborg og det kommunalt eigde området som no vert kalla Uthaugundet. Rådmannen oppfatta ikkje at nokon gjorde seg til talsmann for at Fedje skulle verta landets første «sirkulære superkommune».

Rådmannen legg opp til at formannskapet drøftar mandatet frå kommunestyret og set rammer for det vidare arbeidet.

Ordsiftet i kommunestyret vitna om at det trengs ei viss avklaring av kommunen si rolle i realiseringa av prosjektet. Slik rådmannen ser det, er kommunen si rolle først og fremst å avklara det me kan kalla 'visjonen' for prosjektet, eller kva element i studien me ser som viktige for at resultatet kan seiast å lukkast. Måten å gjera det på, vert å avklara kva me sjølve legg vekt på. Dinest å få innbyggjarar, grunneigarar og næringsdrivande til å dela denne 'visjonen' med oss. Sjølve realiseringa av dei ulike elementa, må dei enkelte aktørane ta ansvar for sjølve. Kommunen gjev råd, lagar kommuneplanar etc. som står opp om 'visjonen', men finansierer ikkje anna enn det kommunestyret meiner ein treng for å gje gode tenester eller meiner er naturlege kommunale oppgåver.

Folkehelse: Potensiell stor innverknad på folkehelsa.

Miljø: Potensiell positiv innverknad på miljøet.

Økonomi: Kan gje løft for næringsutvikling.

Konklusjon

Formannskapet har fått mandat frå kommunestyret til å styra prosessen for korleis me skal arbeida vidare med «sentrumsplanen». Ein må difor drøfta og avklara mandatet, og formulera mål og tiltak for å få innbyggjarar, grunneigarar og næringsdrivande med i det vidare arbeidet.

Forslag til vedtak:

Fedje kommune er å styrkja sentrumsområdet som fremste møteplassen i kommunen. Dette skal m.a. skje ved å leggja til rette for næringsdrivande i området – gjerne mindre verksemder – dessutan halda på dei arkitektoniske og estetiske grepa ein finn i studien frå Vill Urbanisme.

Som eit første tiltak vil formannskapet samla næringsdrivande på Fedje samt grunneigarar i området, til eit drøftingsmøte om studien og kva den kan innebera for øyna vår.

Me vil seinare vurdera eit folkemøte om saka.

Formannskapet - 020/19

F - behandling:

F - vedtak:

Fedje kommune ønskjer å styrkja sentrumsområdet som fremste møteplassen i kommunen. Dette skal m.a. skje ved å leggja til rette for næringsdrivande i området – gjerne mindre verksemder – dessutan halda på dei arkitektoniske og estetiske grepa ein finn i studien frå Vill Urbanisme.

Som eit første tiltak vil formannskapet samla næringsdrivande på Fedje samt grunneigarar i området, til eit drøftingsmøte om studien og kva den kan innebera for øyna vår.

Me vil seinare vurdera eit folkemøte om saka.

Samrøystes vedteke.

Sakspapir

Sakshandsamar	Arkiv	ArkivsakID
Nils Moldøen	FE-223, FA-C33	19/133

Saksnr	Utval	Type	Dato
021/19	Formannskapet	PS	05.03.2019

Opera på Fedje 2019

Søknad om støtte

Vedlegg:

Fwd: Opera på Fedje 2019 / nye forslag til program / søknad om støtte

Saksutgreiing:

Bakgrunn

Bergen Nasjonale Opera har planar om å vitja Fedje med framsyning tredje året på rad. Dei to første har vore særskilt vellukka, med stort publikum og stor stemning.

I år ønskjer dei å utvida tilbodet. Dei ser for seg å invitera songarar frå kora på Fedje til øving fredag kveld (6.9.) og laurdag føremiddag, og gratis korkonsert laurdag ettermiddag. Laurdagskvelden vert det krabbefest og opera som før.

For å kunna gjennomføra dette programmet, søker dei Fedje kommune om kr. 20 000,-

Vurdering

Det er svært positivt at Bergen Nasjonale Opera er ivrig på å knyta band til Fedje, og like positivt at publikum har slutta opp. Når dei no knyter til seg dei mange korsongarane på Fedje, er det til nytte og glede for kormiljøet og korpublikum.

Folkehelse: positivt

Miljø

Økonomi: til å leva med

Konklusjon

Rådmannen tilrår at formannskapet løyver 20 000 kroner til Bergen Nasjonale Opera under føresetnad av at det skisserte programmet vert gjennomført.

Forslag til vedtak:

Formannskapet løyver 20 000 kroner til Bergen Nasjonale Opera under føresetnad av at det skisserte programmet vert gjennomført.

Formannskapet - 021/19

F - behandling:

Gidske Borge (Ap): Formannskapet løyver 10 000 kroner til Bergen Nasjonale Opera under føresetnad av at det skisserte programmet vert gjennomført.

Framlegget vart avvist med 4 mot 1 røyst. Borge røysta for eige framlegg.

Rådmannen sitt framlegg til inndekning: 14700.1100.3850

F - vedtak:

Formannskapet løyver 20 000 kroner til Bergen Nasjonale Opera under føresetnad av at det skisserte programmet vert gjennomført. Inndekning: 14700.1100.3850

Vedteke med 4 mot 1 røyst. Borge (Ap) røysta for sitt alternative framlegg.

Sakspapir

Sakshandsamar	Arkiv	ArkivsakID
Nils Moldøen		19/135

Saksnr	Utval	Type	Dato
022/19	Formannskapet	PS	05.03.2019

Støtte til kjøp av RS 4 "Feie"

Saksutgreiing:

Bakgrunn

RS 4 «Feie» er ei tidlegare redningsskøyte som vart sett i teneste i 1894 av Bergen Kreds i Redningsselskapet. Skøyta vart bygd av Colin Archer i 1893 etter ei losbåtteikning frå 1887. Fram til 1905 var «Feie» i teneste langs vestlandskysten og skal ha berga 75 personar «frå den visse død», 14 fartøy frå totalforlis og gav assistanse til totalt 197 fartøy.

Skøyta ligg i dag på sjø i Karmøy, og må seiast å vera i ein elendig forfatning. Skal «Feie» kunna koma fedjesamfunnet til nytte og glede, krev det eit omfattande restaurasjonsarbeid. Samtidig har skøyta kvalitetar som gjer ho interessant som restaureringsprosjekt.

«Feie» har lagt ute til sals i fleire månader for 300 000 kroner. Siste vekene er prisen vore sett ned til 100 000. I dag er det eit bustyre som er klar til å akseptera eit bod på 35 000 kroner. Fristen for å levera bod er 25.02.2019.

19.02 2019 vart ordførar og rådmann orientert om saka, etter initiativ frå båtbyggjar Bjørn Ådne Kvalvik og Tone Sævi. Etter samtalar med representantar frå Hardanger Fartøyvernssenter og dialog med initiativtakarane som har fått med seg nokre fleire entusiastar lokalt, valde ordførar å ta munnleg kontakt med medlemmene i formannskapet for å høyra om dei kunne slutta seg til følgjande:

- Fedje kommune er villig til å støtta eit lokalt forankra prosjekt med inn til 50 000 kroner for å kunna leggja inn eit bod på skøyta før fristen går ut. Ein ser for seg lågast mogeleg bod over 35 000 kroner. Det vil dermed vera pengar att som kan gå til kostnadene med å få frakta skøyta til Fedje.
- Føresetnaden er at det må vera ei veneforeining eller stifting som tek på seg eigarskap og ansvar for skøyta og arbeidet som trengst for å setja ho i den stand som krevst.

Vurdering

Fedje har ein meir enn 125 års tradisjon for losskyss og redningsteneste. Å få denne skøyta som var ein pionér både for lostenesta og redningsarbeidet, heim til Fedje, vil synleggjera kor sterke historiske band det er mellom fortida og den moderne los- og redningstenesta som driv frå Fedje i dag.

Det seiast at spant, garnering og hud er det som har størst antikvarisk verdi i RS «Feie» i dag. Mykje av dette skal vera av tysk eik som var restmateriale etter polarskuta «Fram» som Colin Archer bygde i 1892.

Skulle ein få tilslag på bodet ein legg inn, er det rådmannen si meining at kommunen ikkje skal ha ansvar for sjølve restaureringsprosjektet. Ansvar for skøyta og arbeidet med skøyta, må liggja på eit andelslag eller ei veneforeining som styrer seg sjølve. Vert prosjektet realisert, vil kommunen kunna forankra vårt bidrag i kulturminneplanen, og ha politisk og administrativ kontakt med andre styresmakter og offentlege institusjonar som måtte vera aktuelle.

Det kan ikkje leggjast skjul på at det er langt fram før dette initiativet kan kallast ein suksess. Men samlar ein midlar til restaureringsarbeidet og får koma i gang med arbeidet, vil det vera ein attraksjon som har stor interesse i inn- og utland, og såleis styrkja reiselivsatsinga i kommunen.

Det må òg nemnast at me har båtbyggjarkompetanse i kommunen. Det kan fort visa seg å få mykje å seia for eit slikt prosjekt.

Folkehelse: eit godt bidrag

Miljø: er miljøskapande

Økonomi: eit usikkert prosjekt

Konklusjon

Dette er eit usikkert prosjekt. Ingen kan garantera suksess. Men set ein det ein kan få til av aktivitet, formidling av lokal og nasjonal historie, glede og interesse opp mot summen som me løyver, meiner rådmannen det er rett å ta ein slik sjanse. Alternativet er kanskje at skøyta er tapt – i alle fall for oss.

Forslag til vedtak:

Formannskapet løyver inn til 50 000 kroner i støtte til kjøp av RS «Feie». Pengane skal nyttast til kjøp og ev. transport av skøyta til Fedje. Ein føresetnad for støtten er at skøyta vert eigd av eit andelslag eller veneforeining som tek ansvar for det som måtte trengast av restaureringiltak.

Formannskapet - 022/19

F - behandling:

Saka vart trukke frå rådmannen, sidan saka ikkje lenger er aktuell. Båten vart seld til andre.

F - vedtak:

Ikkje vedtak. Saka vart trukke.

Sakspapir

Sakshandsamar	Arkiv	ArkivsakID
Dagrun Gunnarson	FE-014	19/84

Saksnr	Utval	Type	Dato
023/19	Formannskapet	PS	05.03.2019

Delegeringar og vedtak knytt til gjennomføring av kommune- og fylkestingsval 2019 Sak til valstyret i Fedje kommune

Vedlegg:

Oversikt over valmedarbeidarar 2013
ROS-analyse av elektronisk manntal på valdagen frå 2017
Analyseskjema ROS 1 straumbrot
Analyseskjema ROS 2 manglande internett
Analyseskjema ROS 3 PC kræsj
Val av leiar og nestleiar til valstyret for Fedje kommune

Saksutgreiing:

Oppsummering: Valstyret i Fedje kommune må ta nokre avgjerder og delegere kurante saker no, slik at me får kome i gong med å sette opp valsystemet og planlegge gjennomføringa av kommune- og fylkestingsvalet 9.september 2019.

Bakgrunn

Mykje i samband med valet er avklart i vallova/forskrifta, men ein del skal valstyret avgjere lokalt. I år er Dagrun Gunnarson sekretær for valstyret. Rapporteringsansvarleg er Bjarte Villanger. I tillegg er Kristin Handeland med i valsekretariatet. Valsystemet heiter EVA og vert levert av Valgdirektoratet.

1) Kor skal me halde valet?

Fleirbrukshallen har vore nytta dei siste åra, det har etter sekretariatet si meining vore vellukka. Universell tilgjenge, bil kan køyre heilt fram til lokalet.

2) Universelt materiell for gjennomføring av val vart kjøpt for 6 år sidan, og kan framleis nyttast: Avlukke, røysetelhalдарar, urner, plakatar osv. Dette fungerer greit, særleg for svaksynte pga fargar mm. Valurnene me har var dei første som vart produsert i denne serien, og har ein mangel – dei er opne om dei ikkje vert halde att. Me har difor tinga to nye urner.

3) Røystestyre, oppteljing og røystemottak

Frå 1.januar 2012 kan folk som står til val på vallister ikkje vere røystemottakarar (sitje i vallokalet) eller vere i røystestyra (telje røyster). Det er viktig å huske på at dette gjeld sjølv om ein står langt nede på ei fylkestingsliste.

Det skal vere 2 av røystestyret til stades i vallokalet til ei kvar tid på valdagen.

Vedlagt ligg ei liste over folk som har vore med i ulike funksjonar i forhold til gjennomføring av val i Fedje kommune dei tre siste vala. Valstyret må ta stilling til følgjande:

Kven kan ta i mot førehandsrøyster? (vallova § 8-2)

Kven skal sitte i røystestyret? Leiar/nestleiar? Kor mange skal vere i røystestyret? Held det med røystestyret til oppteljinga? (vallova § 4-2)

Kven skal ta i mot ambulerande/institusjonsrøysting? (2 stk) (vallova § 8-2)

Kven skal vere røystemottakarar på sjølve valdagen? Kor mange treng ein på kvart skift? (vallova § 8-2)

Kor mange varaer skal ein lære opp til kvar funksjon?

Skal ein – som før – ringe og spørje folk om dei vil ha valfunksjonar, eller skal ein sette oppslag og be folk melde sin interesse?

Forslaget er at de diskuterer korleis desse skal rekrutterast i dette møtet, men at de får ein sak til mai-møtet, der de vedtek kven som skal ha dei ulike funksjonane.

4) Delegasjon av kurante saker:

For mest mulig effektiv gjennomføring av valet, er det lurt å delegere nokre kurante saker.

Alle konkrete saker det er tvil om, skal avgjerast av valstyret.

5) Opningstider vallokala på valdagen. Dette avgjer valstyret, men må seinast stenge kl 21.00 måndag 9.september. Sist var opningstidene kl. 10-20. Det er registrert at ein del kommunar ikkje opnar vallokalet før kl 1200.

6) Førehandsrøysting.

Tidlegrøysting startar 1.juli. Ordinær førehandsrøysting er fastsett til perioden 10.august til 8.september (vallova §8-1 punkt 1). Ved sist val var det ope for førehandsrøysting kvardagar 0830-1500 + 2 laurdagar før valet kl 1100- 1300. Me anbefalar at valstyret legg førehandsrøysting og tidlegrøysting til kommunehuset, slik som tidlegare.

Ved kommunestyreval er det berre på Fedje at røystegjevarane får nytta rett røystesetel med rette namn på, men ein kan førehandsrøyste andre stadar også. Me kan difor vente større behov for førehandsrøysting på Fedje til kommuneval enn andre val.

7) Røystegjeving på institusjon – på sjukeheimen onsdag eller torsdag siste veke før valet, som tidlegare – kl. 10-12. Om valstyret ønskjer det, kan sekretær fastsette dag etter avtale med pleie og omsorg.

8) Oppteljingsstad

Oppteljinga vart ved sist val gjort i sosialt rom i Fleirbrukshallen. Det sikrar at publikum kan vere til stades ved oppteljing. ROS-analyse på nett-tilgang som gjeld elektronisk manntal gjeld også rapporteringa.

9) Elektronisk manntal på valdagen? Vallova opna I 2017 for elektronisk avkryssing i manntal også på sjølve valdagen. Me har i fleire år brukt elektronisk manntal til førehandsrøystinga, og me gjorde det også på sjølve valtinget i 2017.

Fordeler med elektronisk manntal kan vere:

a.Det kan gjere faren for feil mindre slik søkefunksjonen er lagt opp

b.Dette vil truleg vere slik framtida er – slik at alle i Norge etter kvart kan røyste kor dei vil på sjølve valdagen.

Ulempene med elektronisk manntal kan vere at

a.det avgrensar kven som kan sitte med manntalet på valdagen (må både vere ganske hendig på data og kjenne dei fleste i bygda)

b. viss me av ein eller anna grunn ikkje har tilgang til manntalet, kan me ikkje gå over til avkryssing i papirmanntal – då må me gjennomføre valet via beredskapsrutine med konvolutter.

Sekretariatet har gjennomført ei ROS-analyse i 2017 og konkludert med at risikoen med elektronisk manntal vs. papirmanntal er liten og heilt akseptabel – fordi me klarar å gjennomføre valet uansett. (Sjå vedlegg).

10) Opplæring – det vert lagt opp til opplæring for valstyret i formannskapsmøtet i april slik at alle medlemmane er trygge på sine oppgåver og ansvar. Det vert kurs om tidlegrøysting for dei tilsette på kommunehuset i juni, og om førehandsrøystemottak rett før 10.august. Det vert kurs om sjølve valtinget og oppteljinga for alle medarbeidarar og røystestyre i overgangen august/september. I tillegg skal alle tre i valsekretariatet på 2 x 2 dagars opplæring via webinar i mars og mai.

Vurdering:

For dei fleste alternativa, er det fordeler og ulemper, og det er avgjerande kva valstyret legg mest vekt på. Innstillinga tek utgangspunkt i erfaringar frå dei siste 3 vala og kva sekretariatet ser som mest praktisk for sjølve organiseringa av valet. Men det er opp til valstyret om dei meiner andre omsyn skal vege tyngre.

Økonomi : Gjennomføring av kommune- og fylkestingsvalet er lagt inn i budsjett for 2019.

Konklusjon

Kommune- og fylkestingsvalet vert gjennomført i tråd med gjeldande lover og forskrifter, og i stor grad etter same mønster som tidlegare val. For å få ei smidig avvikling av valet, vert det foreslått delegering av kurante saker.

Forslag til vedtak:

Valstyret vedtek å velje eige røystestyre. Sekretæren legg fram forslag til røystestyre og røystemottakarar, på møtet i formannskapet 07.05.19

Tidlegrøysting finn stad på kommunehuset kvardagar 0830-15.00 frå 1.juli til 9.august. Førehandsrøysting vert på kommunehuset. Opningstider: Kvardagar 08.30-15.00. I tillegg to siste mogelege laurdagar før valet, opningstid 11-13.

Det vert røysting på institusjon på Fedje sjukeheim onsdag eller torsdag siste veke før valet – kl. 10-12. Sekretær fastsett dag etter avtale med pleie og omsorg.

Valtinget vert i Fedje fleirbrukshall. Opningstid kl. 10-20. Tre skift med 4 personar på kvart Oppteljingsstad vert sosiale rommet i Fedje fleirbrukshall. Valstyret vedtek å nytte elektronisk manntal på valtinget.

Valstyret sin leiar får fullmakt til å avgjere evt søknader om å røyste heime og sette frist for når slik søknad må kome inn.

Søknad om innføring i manntal: Kurante saker vert delegert til valstyret sin sekretær for å løpande

kunne oppdatere manntalet og sende melding til den det gjeld.

Godkjenning av førehandsrøystegjeving: Kurante saker vert delegert til valstyret sitt sekretariat/forhandsrøystemottakarar for å løpande kunne oppdatere manntalet.

Alle kunngjeringar vert delegert til sekretær valstyret.

Utlekking av manntal vert delegert til sekretariat for valstyret.

Formannskapet - 023/19

F - behandling:

Felles endringsframlegg:

Førehandsrøysting vert på kommunehuset. Opningstider: Kvardagar 08.30-15.00. I tillegg to siste mogelege laurdagar før valet, opningstid 11-14.

F - vedtak:

Valstyret vedtek å velje eige røystestyre. Sekretæren legg fram forslag til røystestyre og røystemottakarar, på møtet i formannskapet 07.05.19

Tidleggrøysting finn stad på kommunehuset kvardager 0830-15.00 frå 1.juli til 9.august.

Førehandsrøysting vert på kommunehuset. Opningstider: Kvardagar 08.30-15.00. I tillegg to siste mogelege laurdagar før valet, opningstid 11-14.

Det vert røysting på institusjon på Fedje sjukeheim onsdag eller torsdag siste veke før valet – kl. 10-12. Sekretær fastsett dag etter avtale med pleie og omsorg.

Valtinget vert i Fedje fleirbrukshall. Opningstid kl. 10-20. Tre skift med 4 personar på kvart Oppteljingsstad vert sosiale rommet i Fedje fleirbrukshall. Valstyret vedtek å nytte elektronisk manntal på valtinget.

Valstyret sin leiar får fullmakt til å avgjere evt søknader om å røyste heime og sette frist for når slik søknad må kome inn.

Søknad om innføring i manntal: Kurante saker vert delegert til valstyret sin sekretær for å løpande kunne oppdatere manntalet og sende melding til den det gjeld.

Godkjenning av førehandsrøystegjeving: Kurante saker vert delegert til valstyret sitt sekretariat/forhandsrøystemottakarar for å løpande kunne oppdatere manntalet.

Alle kunngjeringar vert delegert til sekretær valstyret.

Utlekking av manntal vert delegert til sekretariat for valstyret.

Samrøystes vedteke.

Sakspapir

Sakshandsamar	Arkiv	ArkivsakID
Dagrun Gunnarson	FE-033	19/130

Saksnr	Utval	Type	Dato
024/19	Formannskapet	PS	05.03.2019

Ymse - formannskapet 05.03.19

Saksutgreiing:

Forslag til vedtak:

Formannskapet - 024/19

F - behandling:

Felles framlegg til vedtak: Formannskapet ber om å få sak for å revidere reglementet for pendlartilskot.

Rådmannen informerte om

- oppfølging av tilskot til båt rute til Hellesøy. Saka skal opp i fylkesutvalet.
- dialog med NAV om rekning for perioden 15-17

Ordførar informerte om status i næringssaker:

- Feddie whiskeyproduksjon
- oppdrett
- Landsbykafeen
- mogleg ekstra kommunestyremøte 9.4.19

Bjørn Solbakk (Frp) stilte spørsmål om utviding av fylkevegane.

Gidske Borge (Ap) stilte spørsmål om bygdekinoen.

F - vedtak:

Formannskapet ber om å få sak for å revidere reglementet for pendlartilskot. Samrøystes vedteke.